

KALANDRIYE Aktivite

MPO	BAC	BCCB	CIR	TCC
Out				
Pa gen reyinyon	Mèkredi 11 a 7:00 diswa Sal 301	Pa gen reyinyon	Madi 3 a 6:00 diswa Sal 430	Lendi 23 a 2:00 apremidi Sal 302
Septanm				
Jedi 9 a 9:30 dimaten Room 422	Mèkredi 8 a 7:00 diswa Sal 301	Lendi 20 a 2:00 apremidi Sal 422	Madi 7 a 6:00 diswa Sal 430	Lendi 27 a 2:00 apremidi Sal 302
Oktòb				
Jedi 14 a 9:30 dimaten Room 422	Mèkredi 13 a 7:00 diswa Sal 301	Pa gen reyinyon	Madi 25 a 6:00 diswa Sal 430	Lendi 25 a 2:00 apremidi Sal 302
Novanm				
Jedi 18 a 9:30 dimaten Room 422	Mèkredi 10 a 7:00 diswa Sal 301	Lendi 15 a 2:00 apremidi Sal 422	Pa gen reyinyon	Lendi 22 a 2:00 apremidi Sal 302

Tout reyinyon yo pral fèt nan adrès Governmental Center, 115 S. Andrews Avenue, Fort Lauderdale, epi yo ouvri pou piblik la.



IN PARTNERSHIP WITH THE BROWARD COUNTY BOARD OF COUNTY COMMISSIONERS

PRSR STD
US POSTAGE
PAID
FT. LAUDERDALE, FL
PERMIT #3973

Akwonim	
AAADT Annual Average Daily Traffic Counts	DCA Department of Community Affairs
APR Annual Performance Report	DPEP Department of Planning and Environmental Protection
APTA American Public Transit Association	DRI Development of Regional Impact
BAC Bicycle Advisory Committee	EIS Environmental Impact Statement
BCCB Broward County Coordinating Board	EPA Environmental Protection Agency
BCT Broward County Transit	FAA Federal Aviation Authority
BLC Broward League of Cities	FAC Florida Administrative Code
BUS Broward Urban Shuttle	FCTD Florida Commission Transportation Disadvantaged
CAAA Clean Air Act Amendment	FDOT Florida Department of Transportation
CBD Central Business District	FHWA Federal Highway Administration
CMA Congestion Management Roundtable	FS Florida Statute
CIR Community Involvement Roundtable	FTA Federal Transit Administration
CMAQ Congestion Mitigation and Air Quality	FY Fiscal Year
CMS Congestion Management System	GIS Geographic Information System
CTC Community Transportation Coordinator	MPO Metropolitan Planning Organization
	TCC Technical Coordinating Committee

Pou plis enfòmasyon, gade nan:

www.broward.org/mpo

Pou plis enfòmasyon sou jan ou kapab vin yon manm nan Komite Kowòdinasyon Teknik la, oswa nan Tab Wonn pou Aktivite Kominote a, rele nan nimewo 954-357-6608.

Ou kapab mande piblikasyon sa a nan fòm an gwo lèt, oswa sou kasèt odyo, oswa enprime an karaktè bray.

Pou piblye dokiman sa a pou rezidan yo, sa te koute \$1,400, sa ki vle di \$467 pou chak kopi, an kontan lajan lapòs, pou bay enfòmasyon sou sèvis ak pwogram Broward County MPO yo.

Transportation Planning Division
115 S. Andrews Avenue, Room 329H
Fort Lauderdale, FL 33301



CHIMEN DEKOUPE

VOLIM 10, nimewo 7

Dezyèm Trimès 2004

BROWARD COUNTY MPO METE SOU PYE YON PWOJE PILÒT POU ÉLÈV LEKÒL ELEMANTÈ



Msye Ben Williams ak Buddy ap pale ak elèv yo.

Kididonk, Poukisa Poul la tje Janbe Lari a?

Premye kesyon ki pou poze a se kapab: "Eske gen yon lari pou poul la janbe?" Lide sa a te fè Broward County wè pèsonn pa janm twò piti pou aprann, sou kesyon planifikasyon transpò.

Le 3 jen, yon gwoup elèv nan klas katyèm ak senkyèm nan Lekòl Elemantè Dillard te patisipe nan inogirasyon yon pwogram edikatif Konsèy Administrasyon Broward County MPO a te mete sou pye. Pwoje pilòt sa a se yon pati nan efò MPO ap fè pou mete plis konesans ak patisipasyon nan kominote a sou pwosesis planifikasyon transpò a.

Te gen anpil ri ak bon jan bravo nan aktivite edikatif sa a pou elèv ak pwofesè yo, lè Buddy, yon vwati ki pale epi ki mache sou telekòman, antre nan mitan koze a. Buddy ak konsiltan MPO an, Derek Hudson, mete ansanm pou bay elèv yo chans patisipe nan aktivite edikatif yo, sa ki te fè yo anmize tèt yo pandan 1 èdtan ki te enteresan.



Patisipasyon aktif elèv nan jwèt "Pa Kase Ze a"

Nan yon egzèsis, elèv yo travay pou yo kreye yon egzamp pwojè pou twotwa pyeton nan lekòl yo. Yo bay elèv yo yon bidje, epi elèv yo di ki lajè twotwa pyeton an dwe ye, ak ki kote pou yo mete l.

Komisyonè Broward County a, Josephus Eggleton, ak Manm Konsèy Administrasyon Lekòl la, Benjamin Williams – ki se de ansyen elèv nan lekòl Dillard – te la pandan aktivite edikatif la. Dr. Patricia Dixon, ki te genyen pri Direktè Lekòl pou Ane a nan Broward County, pa te manke kontan rezilta yo. Dr. Dixon di: "Sa nou vle fè vre se bay yo (elèv yo) mwayen pou yo aprann, epi pou nou ede yo konprann yo kapab pale tou". Msye Williams, ki li menm tou te yon ansyen pwofesè nan Lekòl Elemantè Dillard la, fè wè jan Plan pou Fè Travay Transpò pandan Lontan an (LRTP) mete enpòtans sou pwojè tankou sa ki nan egzèsis la, epi tou jan konsèy piblik la bay dwe konte nan desizyon tankou sa yo. Pwogram edikatif la te yon gwo siksè: yo pral kontinye travay sou li pou prezante l nan lòt lekòl.



Ben Williams, Dr. Patricia Dixon, ak Komisyonè Josephus Eggleton

Nan Nimewo sa a...

- Broward County MPO Mete Sou Pye yon Pwoje Pilòt pou Elèv Lekòl Elemantè
- Kuumba Sou Plaj
- Jou MPO nan Tallahassee
- Pa Bliye Vizite Bonjan Sit Entènèt nou an!
- Kout Pwojektè sou Tab Wonn pou Patisipasyon nan Kominote a (CIR)
- Èske ou te Konnen sa?
- 19yèm Festival Mango ki Fèt Chak Ane
- Kèmès Prentan ak Jou pou Fanmi Pran Plezi nan Lauderdale

“METE L NAN LARI A”



Kuumba Sou Plaj

Kuumba se prensip kreyativite nan fèt Kwanzaa. Nan Hollywood, Festival Kuumba Sou Plaj ki fèt chak ane a te fete kreyativite sou plaj la, jan nou konn fè nan Florid. Nan dat 24 avril ki fenk pase a, 2 mil edmi chimen pou moun mache sou plaj piblik la (The Broadwalk) te plen animasyon avèk mizik afriken-karayibeyen, ansanm ak “hip-hop.” Travay kiltirèl atis ak atizan, kyos enfòmasyon, ansanm avèk yon egzibisyon oto ak motosiklèt te aliyen sou kote Broadwalk la. Moun ki t ap vizite ak moun ki rete nan zòn lan te pran kont plezi yo nan tout aktivite sa yo, anplis ak nan manje egzotik, ak demonstrasyon dans.

Broward County MPO a te sèvi avèk Estasyon Enfòmasyon Mobil (MIS) la, ki te estasyonnen sou kote Hollywood Boardwalk la. Anplwaye MPO yo te distribiye papye dokimantasyon, ti papye katon pou make kote w rive nan yon liv, ti jounal, Gid pou Sitwayen, ak evantay pou moun te kapab fè frechè. Anpil moun ki te vin nan festival la te reponn kesyonè sou transpò MPO te bay la, epi yo te ankouraje tout vizitè pou monte nan MIS la pou gade afich enfòmasyon MPO yo, epi pou fè yon chita pale sou pwoblèm transpò.

Pwen ki te pi enpòtan nan chita pale sa yo se te sèvis otobis, konstriksyon wout, ak chimen pou bisiklèt. Moun te pote anpil bon jan lide tankou yon pi bon kowòdinasyon nan lè ak wout otobis yo, pou piblik la kapab transfere san pèdi tan nan pami otobis Konte a ak otobis lokal yo. Anpil moun ki monte bisiklèt te kapab wè jan MPO dakò pou genyen ti wout tou nèf ki gen plant arebò yo, ansanm ak chimen pou bisiklèt nan tout Broward County.



JOU MPO NAN TALLAHASSEE

Richard J. Kaplan,
Direktè MPO,
Majistra,
Vil Lauderdale

Ki sa yon pwojè lwa sanble lè yo adopte? Pou nenpòt ki moun, se sa ki pi enpòtan nan pwosesis lejislatif la. MPO nan Broward County a oblije patisipe nan tout etap ki enpòtan anpil yo anvan yon pwojè lwa adopte, pou l bay Eta a rekòmandasyon ak pwoteje enterè piblik la.

Nan dat 22 avril 2004, Broward County MPO te mete avèk 25 lòt MPO nan rès Eta a, ansanm ak Depatman Transpò Florid (FDOT), anplis ak lòt patnè ki fè transpò tou, pou òganize yon dezyèm ane Jou MPO nan Tallahassee.

Yo fete jou MPO a chak ane nan Capitol Courtyard la, pou montre manm nan Kongrè Florid yo travay MPO yo gen pou fè, pou fè piblisite sou sa MPO yo reyalize, epi pou bay rekòmandasyon ak egzèsè enfluyans sou lwa ki pral pran sou aktivite transpò.

Yo fè espere pou fete jou sa a byen ta nan sesyon lejislatif la. Se lè sa yo gen pou regle anpil nan pwoblèm transpò ki dwe rezoud anvan ane a fini, epi k ap rive pandan tan sa a. Kòm Direktè Broward MPO, se travay mwen ansanm ak yon gwo onè pou mwen pou m di nou, nou menm piblik la, òganizasyon nou an pral kontinye reprezante Broward County epi ankouraje inisyativ ki bon pou anviwonman an, ansanm ak planifikasyon ki pou sèvi nou. Fè nou konnen sa ou ta gen pou w di!

PA BLIYE VIZITE BON JAN SIT ENTÈNÈT NOU AN!

N ap Fè Rapò sou Aktivite MPO yo

Nan efò Broward County MPO ap kontinye fè pou pote bon jan enfòmasyon bay piblik la, sit Entènèt MPO a ap ede anpil pou sansibilize moun sou kesyon an. Broward County MPO a fè sit la vin bay pi bon enfòmasyon toujou, avèk chanjman li fè nan Paj Konsèy Administrasyon Broward County MPO a, nan aktivite pou kontakte kominote yo, epi li mete anplis yon paj aktivite pou timoun ki rele “*Paj Timoun*” (Alo Timoun Yo!)

Paj Manm Konsèy Administrasyon Broward County MPO a se yon zouti enfòmasyon pou piblik la. Ou kapab sèvi ak paj sa a ki bay enfòmasyon sou MPO a pou w wè ki moun ki reprezante kominote w la nan Konsèy la. Avèk jan yo fè pòtre manm yo parèt pi byen an, li vin pi fasil pou w kapab rekonèt figi yon moun lè w wè non li.

Yon lòt travay enpòtan pou Broward County MPO a se pou sansibilize piblik la sou MPO ak sou wòl òganizasyon an nan kominote a. Aktivite espesyal se youn nan bon jan pou kontakte piblik la. MPO ap fè gwo efò pou mete koze a nan lari, epi l ap fè anpil atansyon pou sèvi kominote ki neglije yo nan Broward County. Pa bliye gade paj tou nèf ki rele *Mete l nan Lari a* ak *Patisipe* yo.

Paj *Patisipe* ki nan sit Entènèt la kapab ede moun ki enterese pou yo bay bon jan patisipasyon nan pwosesis planifikasyon an. Zòn sa a nan sit la gen enfòmasyon itil sou diferan komite konsèy k ap ede Broward County MPO nan jan l ap pran desizyon sou sa ki pral fèt pi devan nan Broward County. W ap jwenn tout enfòmasyon sou reyinyon yo ak kote yo pral fèt nan paj sa a.

Paj Timoun lan se pati ki pi kreyatif yo mete anplis nan sit Entènèt la. Enfòmasyon ki nan Broward County MPO a fèt pou timoun, epi li genyen enfòmasyon bazik sou planifikasyon transpò. Paj la genyen aktivite pou amizman tankou yon “Mega Word Maze,” ansanm ak kesyonè MPO a ki ekri pou timoun, epi kèk ti konsèy pou sekirite nan transpò. *Paj Timoun* lan se yon bon zouti pou pwofèsè lekòl, papa ak manman, oswa nenpòt ki lòt moun k ap eseye bay timoun enfòmasyon sou sa Broward County MPO fè.



KOUT PWOJEKTÈ SOU TAB WONN POU PATISIPASYON NAN KOMINOTE A (CIR)

CIR Bay Limyè sou Pwoje Transpò nan Zòn Broward County a

Anpil moun nan Broward County kapab bay bon jan repons sou planifikasyon transpò, men pa gen okenn ladan yo ki kapab esplik pwosesis la menm jan John Rude, ki se Direktè Tab Wonn pou Patisipasyon nan Kominote (CIR) a, jwenn pou l esplik l la. Li antre fon anpil nan pwosesis la, epi li gade chak pwojè transpò ak planifikasyon tankou yon fenèt ki ouvri sou demen.

Msyè Rude, ki se yon manm CIR depi 10 an, te di: “Kisa Broward County pral sanble nan 30 an? Pèsonn pa ta janm kapab kwè ti Konte trankil kote touris te konn vini a nan ane 60 ak 70 yo ta kapab tounen jan l ye a jodi a.” Li bay egzamp pwojè ki te mete anpil tan pou yo derape, men ki pran vitès ak fòs nan pami piblik la pandan tan ap pase, pou montre kouman pwosesis la mache.

CIR la gen reprezantan ak manm piblik la ki enterese nan pwosesis planifikasyon transpò. Yo fè piblisite sou jan pou fè sistèm transpò Broward County vin pi bon. Travay yo tou, se tandè sa piblik la genyen pou l di. Menm si li kapab difisil pou fè tout travay sa a nan 1 èdtan edmi, nan yon reyinyon ki fèt yon fwa pa mwa, CIR la pase anpil tan sou “wou pwogrè” a, jan John renmen di.

Gwoup sa a se yon komite konsèy pou ofisyèl k ap pran desizyon nan Broward County MPO. CIR la gen pou l gade tout sa ki nan gwo pil papye ki gen rapò avèk chak pwojè transpò. Pwojè sa yo pa rete chita sou kesyon transpò sèlman. Genyen anpil kesyon konplike sou anviwonman, ansanm ak evalyasyon bezwen ki dwe rezoud avan yo mete lajan nan nenpòt ki pwoje.

CIR la fè analiz, epi li ede Broward County MPO mete sou pye planifikasyon transpò ak pwogram ki pote

ÈSKE OU TE KONNEN SA?

- Moun ki rete nan vil pase yon mwayenn 62 èdtan chak ane nan anbouteyaj. Sa fè 62 èdtan ou pase san ou pa ka deplase, epi sèl sa w ap fè se gade plak oto ki devan w lan, pandan w ap fè move san youn apre lòt, sou granwout yo. Trafik la pa bon nan tout peyi Etazini – epi li pral vin pi mal ankò. Transpò piblik pèmet moun ki pral travay pran tan sa a pou yo li, pou yo pale ak lòt pasaje, pase pou yo kondwi poukont yo.
- Depi 1970, milyaj pou ale nan travay ap kontinye monte 9 pousan chak ane, men kapasite wout yo monte sèlman 5 pousan antout pandan menm kantite tan sa a.



Manm CIR nan yon nan reyinyon ki fèt chak mwa yo

chanjman nan anviwonman vil ki nan Konte yo. Gwoup la gade tou e n p a k planifikasyon ak pwogram sa yo pral genyen sou kominote lokal yo.

CIR la toujou ap chache moun oswa òganizasyon ki enterese antre nan komite a, oswa vin asiste reyinyon ki planifye yo. Reyinyon yo fèt premye madi nan chak mwa, nan 115 South Andrews Avenue, nan Governmental Center Building, Sal 430, a 6:30 diswa. Tout moun gen dwa vini nan reyinyon yo, epi piblik la ankouraje patisipe!

Pou plis enfòmasyon sou jan ou kapab patisipe, vizite www.broward.org/mpo oswa kontakte anplwaye MPO yo nan (954) 357-6608.

19yèm FESTIVAL MANGO KI FÈT CHAK ANE

Nan 19yèm Festival Mango ki Fèt chak ane a, vizite nan Deerfield Beach ak moun ki rete nan zòn lan te rekonèt valè mizik ak plizyè kilti, epi tou yo te gen yon chans pou patisipe nan pwosesis planifikasyon transpò nan Broward County a. Anplwaye Broward County MPO yo te la lè aktivite a t ap fèt nan dat 19 jen 2004 la, pou reponn kesyon sou planifikasyon transpò epi resevwa enfòmasyon ki moun ki te nan festival la bay yo. Moun ki te nan festival la te reyisi chape gwo chalè ete a pandan yo t ap reponn kesyonè nan kyos kote yo afiche enfòmasyon Broward County MPO a, anba tant Estasyon Enfòmasyon Mobil (MIS) la.

Anpil moun ki te vin nan festival la se te vizitè ki te soti tou pre nan lòt Konte nan Sid Florid, epi ki te montre yo enterese nan jan pou konekte transpò rejyonal ak kominotè tankou enstalasyon pou bisiklèt ak pyeton, Tri-Rail, ak lè pou otobis. Kesyon anbouteyaj la te yon pwoblèm pou tout moun. Preske 41 moun te reponn kesyonè ekri a.



“METE L NAN LARI A”



Kèmès Prentan ak Jou pou Fanmi Pran Plezi nan Lauderdale

Lè fanmi nan Lauderdale yo te reyini nan estadyòm Vil la pou patisipe nan Kèmès Prentan ak Jou pou Fanmi Pran Plezi ki fèt chak ane a, yo pa te konnen yo ta pral jwenn yon chans tou pou patisipe nan pwosesis planifikasyon transpò zòn Broward County a. Nan aktivite sa a ki te fèt 3 avril la, moun te kontan wè anplwaye pou patisipasyon kominotè Broward County MPO yo ak espozisyon l lan.

Prèske 80 patisipan te pran tan pou reponn kesyonè ekri sou planifikasyon transpò Broward County MPO te bay la. Nan pami pwoblèm moun te pale yo, te gen anbouteyaj, bezwen pou transpò piblik, ansanm ak enstalasyon pou bisiklèt.

Broward County MPO patisipe nan pakèt aktivite ak festival ki fèt nan Broward County yo, se konsa li fè plis moun nan kominote ki nan tout Konte a patisipe tou. Objektif la se ede piblik la aprann ki sa MPO a fè, pandan moun ap jwenn chans ak enfòmasyon yo bezwen pou yo kapab gen bon jan patisipasyon nan pwosesis planifikasyon transpò a.

Aktivite katye tankou Kèmès Prentan ak Jou pou Fanmi Pran Plezi nan Lauderdale bay moun ki rete nan Broward County yo yon chans anplis pou yo di MPO ki pwoblèm transpò yo genyen.